



Cumün d'Ardez

Radunanza cumünala nr. 24/08 dals 14-10-2008

Preschaints: 18 votantas e votants
sar Marco Müller per la tractanda 2

S-chüsats: sar rav. Stephan Bösiger e duonna Claudia Thom

Tractandas:

- | | | |
|----|--|-----|
| 1. | Approvaziun dal protocol dals 10-06-2008 | |
| 2. | Orientaziuns sur dal stadi da progettaziun da l'ouvra electrica cun aua da baiver
Muntatsch | 483 |
| 3. | Ledscha d'impostas | 484 |
| 4. | Orientaziuns e varia | |

1. Approvaziun dal protocol dals 10-06-2008

La radunanza cumünala approva il protocol dals 10-06-2008 unanimamaing.

PROVEDIMAIN D'ENERGIA

08.

2. Orientaziuns sur dal stadi da progettaziun da l'ouvra electrica cun aua da baiver Muntatsch 483

Il capo orientescha cha la radunanza cumünala haja approvà il credit per la prüma fasa da progettaziun da l'ouvra Muntatsch. Tras las prümas lavuors da quista prüma fasa da progettaziun s'haja uossa pudü evaluar la relaziun da nüz e cuosts. Implü orientescha il capo cha sar Marco Müller dal büro d'indschegner Caprez haja preschantà ils resultats a la suprastanza cumünala. El surdà il pled a sar Marco Müller. Sar Marco Müller preschainta la situaziun actuala dal condot d'aua. El spiega cha la radunanza haja approvà ün credit e chi s'haja sanà diversas vascas. Cun far quellas lavuors es gnü visibel chi füss da sanar ils prossems ons tuot la lingia d'aua da baiver. El orientescha cha da quel temp cha'l condot d'aua d'eira gnü fabrichà d'eira üsità da far quai uschè, hozindi as fess üna lingia da pressiun ed as pudess cun quai eir amo prodüer forza electrica. El orientescha chi s'ha lura stuvü metter in dumonda schi's voul sanar il condot d'aua da baiver o far lura güsta ün nouv e cun quai trar a nüz eir amo la varianta da far forza. Dal 2007 s'haja lura masürà i'l reservuar üna media da 17l/s, però i s'ha savü cha'l condot nu maina là tuot quai cha las funtanas portan. Davo masüraziuns vi da las funtanas s'ha lura gnü üna media da 22l/s. Ils cuosts d'üna ouvra electrica s'amuntan a fr. 2'056'000.00. La suprastanza cumünala vaiva fat quint cun cuosts da mantegniment da var 290'000 pel condot d'aua. La forza electrica chi gniss prodota da l'ouvra cuostess var fr. 0.39/kWh l'indemnisaziun cha'l cumün surgniss da la KEV per la forza es tanter 21-25kWh, vuol dir chi as fess üna perdita da fr. 0.18 – 0.14/kWh. In quista situaziun daja trais pussibilitats per far gnir plü rendabel quist'ouvra electrica:

La prüma pussibilità es d'inchaschar daplü funtanas ed augmentar cun quai la quantità d'aua ed uschè eir la prestaziun.

La seguonda es d'inchargiar daplü cuosts al condot d'aua causa cha il plü tard in 10 ons s'haja inamöd da sanar quel cumplet.

La terza es da tscherchar sponsurs.

Realistic sun las variantas 1 e 2. Implü orientescha el cha la suprastanza cumünala haja decis da laschar perscrutar d'ün idrolog la cuntrada da Rudanz e da verer schi's chatta amo funtanas chi's pudess inchaschar. Ün votant fa la dumonda schi nu's

surniss subvenziuns dal chantun e da la confederaziun per quist proget. Sar Marco orientescha cha da la pulizia da fò as pudessa spettar üna contribuziun, però cha quel import nu basta per far gnir rendabel l'ouvra. Ün votant fa la dumonda co chi sta lura culla qualità da l'aua da baiver schi's inchaschess amo otras funtanas. Sar Marco spiega cha natüralmaing haja la qualità da l'aua prüma priorità ed i's inchaschess funtanas be scha la qualità es buna. I vegnan fattas amo diversas dumondas a sar Marco Müller.

Il capo orientescha cha la suprastanza haja decis sün basa dal credit da la prüma fasa da progettaziun da laschar perscrutar la situaziun dal idrolog e da far inavant las masüraziuns, schi vess da dar la pussibilità da realisar quist proget in ün rom ch'el füss eir rentabel, as vessa tras quai cifras plü fundadas.

IMPOSTAS

32.

3. Ledscha d'impostas

484

Il capo orientescha chi saja necessari d'adattar la ledscha d'impostas cumünala a la ledscha d'impostas chantunala, quai pretenda üna revisiun totala da la ledscha d'impostas. Implü orientescha il capo, chi füss stat da preschantar la ledscha d'impostas a la regenza fin als 31.07.2008, per na stuvair far üna radunanza cumünala be per quist cas, s'ha laschà preexaminar la ledscha d'impostas da l'administraziun da taglia dal chantun Grischun. La suprastanza cumünala propuona a la radunanza cumünala d'acceptar la ledscha d'impostas sco ch'ella vain preschantada. Il capo repassa la ledscha d'impostas artichel per artichel. El preschainta las disposiziuns generalas chi cuntregnan l'artichel 1 fin 2. In seguit vain preschantà il dret material chi cuntregna ils artichels 3 fin 14. L'imposta da müdaman descritta i'l artichel 4 importa 2% quella tariffa dess restar eir in avegnir.

Decisiun: La radunanza cumünala fixa la tariffa d'imposta da müdaman sün 2% unanimamaing.

Ün müdamaint chi da andit a discussiun es l'artichel 5, l'imposta sün immobiglias. L'imposta sün imobiglias d'eira fin uossa fixada sün 1‰, la suprastanza propuona d'augmentar quella sün 1.5‰. Il motiv per quist augment es cha l'imposta sün entrada e facultà vain tras ils müdamaints illa ledscha chantunala eir pro'l cumün plü bassa. Per egualisar quai propuona la suprastanza l'augment. Implü orientescha il capo in quist connex cha l'imposta sün facultà as vaiva avant ün pêr ons stuvü sbassar in connex cun l'imposta per las ouvras electricas d'Engiadina. Ün votant fa la dumonda scha quista procentuala es il maximum cha la ledscha chantunala lascha pro. Il capo spiega cha quista procentuala nu saja il maximum però ch'el stess amo sclerir quant chi saja la procentuala maximala.

Decisiun: La radunanza cumünala augmenta la tariffa d'impostas sün immobiglias sün 1.5‰ cun gronda majorità.

Art. 9 alinea 1 per calcular l'imposta vegnan dedüts:

a) da las donaziuns a persunas bsögnusas fr. 14'000.--, b) da las donaziuns ad ün genitur fr. 100'000.--, c) da minch'otra donaziun fr. 7'000.--. Art. 9 alinea 5 l'imposta importa: a) per la schlatta dals genituors 4%, b) per las ulteriuras persunas benefizadas 15%

Decisiun: La radunanza cumünala approva la calculaziun d'impostas sco preschantà unanimamaing.

Art. 14 alinea 1: l'imposta importa pel prüm chan 100 francs, pel seguond chan illa istessa chasada 200 francs, pel terz e per mincha chan implü 300 francs l'ün. La suprastanza po adattar quistas tariffas a l'incharimaint.

Decisiun: La radunanza cumünala approva l'artichel 14 cun gronda majorità.

Implü vain preschantà il dret formal chi cuntegna l'artichel 15 fin 20. E las disposiziuns cun l'artichel 21.

Ad ün votant saja in ögl cha l'imposta sün guadogn da chapital chi d'eira gnüda muossada i'l extrat dal rendaquint nu saja avantman illa ledscha d'impostas. El fa la dumonda scha quella imposta nun exista lura plü o scha quella vain datta avant dal chantun. Il capo piglia incunter quella dumonda chi vain amo sclerida. Implü vegnan fattas amo diversas dumondas.

Decisiun: La radunanza cumünala accepta la ledscha d'impostas cun gronda majorità.

4. Orientaziuns e varia

4.1 Chanalisaziun Sassagl

Il capo orientescha chi s'haja cumanzà cullas lavuors da perforaziun suot la Viafier ed eir ils s-chavs sun per part fingià fats. El orientescha cha in var 4 eivnas saran quellas lavuors a fin.

4.2 Quartier Curtinatsch

Il capo orientescha chi's saja sün buna via da finir las lavuors d'infrastructura dal quartier Curtinatsch, quai sarà il cas fin a la fin da november.

4.3 Chasa da scoula palc

Il capo orientescha cha las lavuors dal palc intern sajan a fin, cha la paraid movibla gnia montada prosm'eivna e chi's possa finir las lavuors sco planisà.

4.4 Trafic tras cumün

Ün votant manzuna cha d'ürant quista stà ed utuon nun haja funcziunà cul sviamaint dal trafic tras cumün. Implü manzuna il votant chi d'eira magari bleras fabricas e chi nun es gnü coordinà il sviamaint dal trafic. Il capo orientescha chi s'haja eir da cumün oura constatà quai e chi s'haja averti in scrit las interpraisas. Implü orientescha il capo chi s'haja cumprà tablas da signalisaziun aposta per quist scopo. Las interpraisas han la pussibilità dad ir pro'l cumün per quellas. Scha la situaziun nun as megliorescha esa d'aplicher masüras adequatas.

4.5 Jassetta

Ün votant fa attent cha'l stadi da la Jassetta vers il transfuormatur nu cuntainta, chi d'eira gnü decis da far la chünetta e cha quella nu saja hoz na amo fatta. Implü manaja il votant schi's pigliess la glüm da via ün pêr meters plü aval füss iglümünada eir la jassa da la vart. La suprastanza piglia incunter la remarcha e sclerischa in che möd chi's po schogliar la chosa.

4.6 Publicaziuns, placats

Ün votant fa attent cha l'ultim temp saja gnü publichà blera roba be in tudais-ch, saja quai da vart da privats o dal turissem. Il votant appellescha da scriver placats e publicaziuns in prüma lingia in rumantsch. La suprastanza es gnüda fatta attent eir d'otras varts sün quist fat e tratta prosmamaing la chosa.

12-12.-08

In buna fai

La chanzlista:

Il capo: